

## Червена ружа

Музика и слова: народни  
Обробка: Микола Попенко

Червена ружа трояка,  
мала я мужа, мужа я мала,  
мала я мужа пияка.

Вон ніч не роби лем пиє,  
кед придзе дому, дому кед придзе,  
кед придзе дому мне биє.

Не бий ме, мужу, не карай,  
бо пойдзем од це, бо од це пойдзем,  
бо пойдзем од це за Дунай.

А кед на ладю шедала,  
з билу хусточку, з хусточку билу,  
з билу хусточку махала.

Врац ти ше жено до дому,  
бо дзеци плачу, бо плачу дзеци,  
бо дзеци плачу за тобу.